

鄖縣軍政志卷七

鄖陽居楚上游西逼秦蜀南通襄鄧控制邊防最  
為緊要武備當務之急前明成化中以都御史撫  
治其地孫應鼐復請更璽書為提督軍務兼撫治  
我

朝順治十一年移襄陽鎮總兵駐鄖陽嚴武備也縣  
為附郭首邑征調操之鎮府保障是其專責近年  
捻匪未靖時復竄擾團練壯丁增修戰艦防禦不  
可緩矣夫事機之來閒不容息蓄謀以待猶懼或

鄖縣志

軍政卷七

失之况敢安而忘危乎易曰君子以除戎器戒不  
虞在實心任事者尚其未雨綢繆思患而預防之  
志軍政

兵制

周制大國三軍次國二軍小國一軍

王制五國為屬屬有長十國為連連有帥三十國為卒  
卒有正三百一十國為州州有牧

秦并天下為三十六郡郡置材官

漢興踵秦置材官於郡國鄖原為漢中宏農二郡地按



漢不獨置材官並選輕車騎士材官樓船以秋後講武各有員數平地用車騎山阻用材官水泉用樓船隨地所宜

漢光武罷郡國都尉及天下車騎材官

晉太康元年平吳盡去州郡兵每大郡置吏百人小郡五十人鄖屬新城上庸魏興三郡

唐時作府兵凡分天下爲十道置府六百三十四有事則命將出征事竣則兵散於府將歸於朝故將帥無握兵重權時鄖鄉屬山南道又屬山南東道上津關

鄖縣志

軍政卷七

兵制

二

內道而兵額不詳

宋初鑒唐末方鎮跋扈之失收天下勁旅於京畿爲禁兵又募農民伉健者爲廂兵廂兵者卽諸州鎮兵也時鄖屬均州武當郡隸京西南路上津屬商州上洛郡隸陝西路永興軍

元初兵制萬戶置總管千戶置總把百戶置彈壓是時鄖屬襄陽路

明制兵之法於府州縣要害處皆立衛所而又於總會處立都指揮使司以統之猶有周人連帥州牧遺意



又於郡縣設民壯邊郡設土兵皆召募也按明初郡  
尚未設衛流民嘯聚爲盜成化十三年都御史原傑  
始開府列屯奏置湖廣行都指揮使司設鄖陽衛指  
揮使指揮使一指揮同知二指揮僉事四鎮撫司鎮  
撫二經歷司經歷知事吏目倉大使副使各一轄前  
後中左營五千戶所正千戶五副千戶十百戶五十  
總旗百小旗五百旗軍五千名屯田八百九十七頃  
九畝立掌印僉事理其事選指揮使同知僉事有才  
者當之隆慶元年下荆南道兼鄖襄兵備銜萬曆二

鄖縣志

軍政卷七

兵制

三

年加撫治提督軍務銜以專征調而鄖爲重鎮矣

國朝

嘉慶七年籌議襄鄖添設提鎮營制改鄖陽爲鎮標  
設鄖陽等處總兵官一員轄中前左右四營左右二  
營分隸竹谿房康按中營設遊擊一員守備一員千  
總二員把總四員經制外委三員額外外委三員經  
制兵丁四百四十一名內除經制外委三員額外外  
委三員實兵四百三十五名內馬兵四十三名戰兵  
一百三十名守兵二百六十二名前營設都司一員



守備一員千總二員把總四員經制外委三員額外  
外委三員經制兵丁四百四十一名除經制外委三  
員額外外委三員實兵四百三十五名內馬兵四十  
三名戰兵一百三十名守兵二百六十二名

嘉慶八年設立城守營駐紮府城兼管鄖西縣汛設  
遊擊一員守備一員千總一員把總二員額外外委  
四員經制兵六百七十八名鄖西駐防兵二百三十  
八名郡城駐防兵四百四十名鄖縣分駐營員弁兵  
附府塘汛二十有九城北九十里左家河塘一百五十

### 鄖縣志

### 軍政卷七 兵制

四

里蝴蝶保塘陸城西北五里觀音堂塘水三十五里馬昌

關塘陸六十五里曲遠河塘陸七十五里青桐鋪陸塘以上中營

左哨頭司把總專管城東六十里龍門塘陸東北八十

五里白桑關塘陸百四十里梅家鋪陸塘以上中營一

百八十里江峪塘陸又六十里楊溪塘陸百二十里南化

陸塘以上中營右哨頭司把總協防城東南二十里神定

河塘陸四十里蓼池塘陸六十里遠河塘陸以上前營左

右哨外委防城南七十里茅箭塘陸百四十里茅塔塘陸百

四十里落家川陸塘以上前營右城西南七十里花



果園壩六十里堵河口壩百二十里黃龍灘陸壩以前營

千總專管外城西九十里小石溝壩陸壩城西南百三十

五里姚家灣壩百六十五里鮑家店壩二百四十里

將軍河壩城西百三十五里金漆潦壩百五十里黃

連岷壩百七十里孤山壩二百二十里木瓜溝水壩

前營右哨二司把總一員專管城守弁兵專管城池

倉庫

鄖縣志

軍政卷七

兵制

五

武職秩官

嘉慶八年新設營制添設城守營存城額設遊擊一

員守備一員千總一員把總二員經制二員額外

外委四員

遊擊

金桂漢軍正白旗人嘉慶九年任

薛忠全穀城縣人由行伍嘉慶十三年任

如柏鑲黃旗佐領嘉慶十七年任

洵量旗人嘉慶二十三年署



興 山旗人嘉慶二十四年署

郭 義直隸行伍道光元年任

李隆福漢軍鑲藍旗人道光十年任

王士魁直隸行伍道光十八年任

郝廷枝行伍道光二十一年任

馮全得直隸行伍咸豐元年任

任大華江夏行伍咸豐六年署

烏隆阿旗人咸豐七年任

奈星煥咸豐七年題未到任

鄖縣志

軍政卷七

武職秩官

六

佛爾國春旗人咸豐十一年署

貴 玉荊州駐防同治二年署

任懋齡江夏縣人同治五年題未到任

守備

劉 春武昌府行伍嘉慶九年任

李萬祿閩鄉進士嘉慶十二年任

劉定選四川進士道光元年任

劉承德直隸行伍道光二年任

沈大成直隸進士道光九年任



孫騰蛟陝西進士道光十七年任

二 德旗人道光十九年任

七蘭泰滿州正黃旗舉人道光二十年任

劉國楨直隸遵化行伍道光二十九年任

孟麟鄖縣行伍咸豐五年任

王希德鄖縣行伍咸豐十一年署

千總

桂榮鄖西縣武舉嘉慶九年任

周開甲江夏武舉嘉慶十年任

鄖縣志

軍政卷七

武職秩官

七

江澤鄖縣行伍嘉慶二十五年任

許宗魁鄖縣行伍道光十六年任

施鴻恩隨州武舉道光二十二年任

譚應祥房縣行伍咸豐五年任

袁逢春南漳行伍同治二年任

黃廷熙棗陽軍功同治五年署

把總

陳文龍宜昌行伍嘉慶九年任

亢國新荆門行伍嘉慶十八年任



盧得明竹谿行伍嘉慶十九年任

陳傑竹山行伍嘉慶二十年任

汪鵬程竹谿行伍嘉慶二十二年任

蕭煥竹谿行伍嘉慶二十四年任

曾仲清鄖縣行伍嘉慶二十五年任

湯定國興國武舉道光六年任

吳和泰竹山行伍道光九年任

聞應臣穀城行伍道光十一年任

馬金龍宜城行伍道光十三年任

鄖縣志

軍政卷七

武職秩官

八

萬青選房縣行伍道光十五年任

劉正剛鄖縣行伍道光十七年任

馬得魁鄖縣行伍道光十八年任

尹文酉江夏行伍同治三年任



忠節

明

僉事張克儉崇禎閒監鄖襄諸軍十四年張獻忠假楊嗣昌軍符誑入襄陽遇害

國朝

守道劉開文

副使甘文燧

知府董有聲

同知劉璇

鄖縣志

軍政卷七 忠節

九

推官孫振揚

行都司袁捷

知縣趙丕承

以上七名順治初王光興王光泰兄弟以衆叛同時遇害

提督孫定遼順治四年討王光泰陣亡於琵琶灘

總鎮穆生輝順治閒討叛賊沒於陣

許文耀康熙閒通判十三年楊來嘉叛應吳三桂據房縣當事檄文耀往撫以順逆利害反覆開導賊



不從文耀大罵而出遂被害事平

詔卹有墓祠

湖南沅州協佛甯

候補參將富勒渾

江西鄱陽營都閫雙 柱

候補都閫花尙阿

守備六達色

以上五名嘉慶五年七月皖兵西鄉花果園被賊

襲營遇害

鄖縣志

軍政卷七

忠節

十

御前侍衛護軍統領公爵惠倫嘉慶五年八月三十

日勦教匪於西鄉花果園遇伏被害

鄖陽總鎮邵鶴齡

王錦繡

遊擊朱承茂

楊洪興

守備

黃富國

籍金泰

鄭光明

曠輔廷

千總



王殿甲

黃得勝

高得勝

吳瑜恩

黃國安

把總

吳華

吳全

郭殿雄

羅經得

外委

管輝燦

孫啓才

鄧體道

劉建壅

梁大成

官雷仁

張士林

劉紹先

楊鍾祥

王先得

以上二十七名俱係嘉慶道光咸豐年間陣亡人

員



邊防事蹟

周頃王三年春楚子伐麋成大心敗麋師於房渚潘崇復伐麋至於錫穴傳左三十五年秦伐楚楚軍敗割上

庸漢北予秦

史記楚世家按正義曰割金房均三州及漢水之北

晉孝武太元三年秋七月秦使韋鍾圍魏興太守吉挹

於西城通四年夏四月秦陷魏興太守吉挹死之綱

九年春正月桓沖遣太守郭寶攻秦魏興上庸新城

三郡拔之王通

唐天祐二年秋七月梁王欲代唐使人諭諸鎮襄州趙

鄖縣志

軍政卷七

邊防事蹟

七

匡凝以為不可遣楊師厚率軍敗趙匡凝於襄州八

月楊師厚進取唐鄖復鄖隨均房七州五代史

宋建炎十二年秋八月割商之半界金存上津豐陽縣

二十九年冬十月命傑康軍節度使吳誼為攢宮總

護三十一年冬十月王建遣統制任天錫出洵陽復

豐陽上津商洛等縣宋史

按宋史建炎三年張浚在蜀疏言漢中實形勢之地

前控六路之師後據兩川之粟左通荆襄之財右出

秦隴之馬號令中原必基於此乃命治兵興元節制



五路鄖境踞其東南勁敵出沒故終高宗之世被兵無虛日

元至正十一年汝穎盜起縣人田端子亦聚眾殺官吏襄陽路達魯花赤孛羅帖木兒領兵會諸軍於均房

討平之

元史忠義傳

明成化元年鄖襄盜起命都御史王恕討平之二年流民劉千斤煽石和尚龍李鬍子原等相繼叛踞房縣南山老砦三年命靖虜將軍朱永兵部尚書白圭與都指揮僉事王信擒劉千斤誅之六年荆襄流民復

鄖縣志

軍政卷七

邊防事蹟

三

作亂以項忠總督河南湖廣荆襄軍務與湖廣總兵李震王信討平之十二年夏五月都御史原傑奏設鄖陽府析湖廣襄陽陝西漢中西安河南南陽汝州地屬之大臣撫鄖陽

明史

隆慶元年撫治孫應鼐請勅下荆南道徐學謨兼鄖襄兵備著爲令

舊志

萬曆二年撫治加提督軍務得專征調十五年鄖衛軍譁斬衛丁梅林於市

舊志

崇禎六年流寇犯鄖陽鄖戒嚴本傳十二月賊突從七



家寨策馬徑渡連陷澠池伊陽盧氏三縣由間道直  
走內鄉掠鄖陽七年老獬獬過天星滿天星闌塌天  
混世王五大營自楚入蜀至夔州阻險復還駐黃龍  
灘時盧象昇以僉都御史代蔣允儀撫治鄖陽與總  
督陳奇瑜分道夾擊連戰皆捷漢南寇幾盡九年大  
股賊自光化潛渡漢入鄖陽先是闖王高迎祥張獻  
忠李自成七大賊合圍滁州盧象昇預馳檄湖撫王  
夢尹鄖撫宋祖舜陽漢江期一戰殲之二撫不能禦  
賊遂自光化潛渡入鄖十年閏四月熊文燦總理南

鄖縣志

軍政卷七

邊防事蹟

十四

京河南山陝川湖軍務駐鄖陽討賊時賊分踞鄖襄  
諸險諸將合兵大破之賊求撫文燦許之處羅汝才  
等四營於鄖陽惠登相等五營於均州處張獻忠於  
穀城會獻忠殺穀城知縣郝景春走合汝才於房縣  
陷房縣殺知縣阮之鈿十三家賊一時並叛惟王光  
思不從十二月李自成由鄖均走河南十四年張獻  
忠由蜀入楚時鄖撫治袁繼成急謀發兵獻忠令羅  
汝才與相持自率輕騎冒楊嗣昌印札陷襄陽七月  
丁丑張獻忠圍鄖陽鄖兵禦之多殺傷已卯宵遁時



黃得功戲下兵投獻忠獻忠陷鄖西辛卯鄖兵與獻忠戰敗績獻忠以所獲鄖兵人斷一手縱之以辱官軍糲糲冬李自成陷襄陽分徇屬邑攻鄖縣四日而去十六年春復來攻十餘日不克退屯楊溪十七年正月李自成遣將路應標等以二萬人攻鄖時高斗樞以按察使移節下荆南道治鄖遣人入均州燒其蓄積賊乏食乃遁自十四年辛巳起至十七年李自成遣其驍騎攻鄖城者五俱敗去高斗樞分兵出復旁州縣者四率偏師擣賊於襄陽者一

鄖縣志

軍政卷七

邊防事蹟

十五

國朝

順治元年李自成遣路應標馬養珠二賊攻鄖屯文筆峰會城中設反間計二賊自相攻殺城中鼓噪而出賊潰遁二年鄖歸版圖三年鄖左騎營部將王斌叛據房縣老寨王光恩討平之四年撫治潘士良與光恩以爭禮微嫌馳疏入

告

詔繫光恩赴京其弟光興光泰以眾叛殺襄陽官吏兩日夜至鄖殺守道劉開文以下官數員七月提督孫定遼帥師討王光泰等障亡九月哈哈木討之追光



泰等至房戰於大岷破之

康熙四年十二月妖僧雪野謀叛遣法海等散偽劄郎  
縣民陳倫出首獲之給五品官類編八十三年三月  
設提督鄖陽總兵以佟國瑤為提督是年襄陽鎮楊  
來嘉同鄖協洪福竹山遊擊謝泗叛應雲南吳三桂  
率聞兵據鄖陽城會大雨兵民冒雨巷戰賊遁房竹  
竹谿遊擊馮源亦叛附來嘉副都統宜恩孝統禁旅  
駐鄖陽禦之十五年川寇譚洪犯鄖陽滿漢官兵禦  
之時楊懋勳兼右副都御史撫治鄖陽九月賊阻毳

鄖縣志

軍政卷七

邊防事蹟

十六

登灘撫治楊懋勳提督佟國瑤副都統李銘遣將備  
四十六員葛秉貞佟與善張鴻元杜英佟國琮張國  
斌楊國用鮑奇蘭韓璽聖千守印吳守起田起等奮  
臂一呼四面進攻賊大潰追勦無遺類楚蜀俱平

乾隆六十年冬奸民倡白蓮教謀叛自荆宜起以白布

纏頭白旗為號勾連襄鄖賊目分頭舉事匪分紅白

頭先是安徽大和奸民劉之協來楚煽誘宋之清等  
人夥口授過願咒詔出根基銀三五錢至數十兩不  
等又按季納升并銀多少不一均送教頭收用五十  
九年緝獲之清黨百十餘人誅之外遣散二百餘人

嘉慶元年二月二十日白蓮賊黨圍房縣陷保康二十



二日陷竹山郡城戒嚴時鄖協均房兵初調湖南征苗繼調宜昌勦賊府縣存城兵俱單薄知府王正常飛稟請兵陝右亟發印札數十道遣人前往各屬糾集鄉勇分據要隘斷房保竹三賊勾連之路維時郡城人心皇皇奸人乘隙爲亂王正常率委員漢同知張璿鄖通判福成鄖協都司郭廷樞鄖縣知縣葉治首獲奸細曹貴士誅之遂分途搜捕斬內應賊孫得意等數十人是時鄖縣泥河賊王全禮據廣山鄖西縣賊吳潮選徐良起而相應鄉勇殺潮選擒徐良立

鄖縣志

軍政卷七

邊防事蹟

七

卽正法環圍廣山賊不能出陝甘總督宜綿提督柯藩統官兵會勦四月十三日滅之二年三月襄陽賊經官兵勦散分竄商洛開四月初七日竄鄖時邑諸生柯俊義偕庠生項昌文武生曾貫一義民李文魁等禦賊金家坪俊義等俱戰死鄉勇被害者二十七人同時廩生吳錫章戰於火車嶺鄉勇朱朝相詹長子死之章幾不免賊走四川八月前竄四川之賊折入楚境廣州將軍襄勇伯明亮內大臣繼勇子德楞泰統兵由荊州進勦賊竄南漳走均穀入鄖縣境生



員李生翹劉常度等赴茅箭保堵禦被害二十八日  
賊由縣南花果園至黃龍灘經鄉勇併力堵截賊不  
敢渡退走花果園三十日大兵追至勦殺過半護軍  
統領公爵惠倫陣亡賊由房走二竹竄白河平利十  
月湖北巡撫汪新巡行邊隘

奏請於竹山竹谿房縣西南一帶挖濠築堡徽安襄鄖  
荆兵備道胡齊崙督兵勇一萬餘巡邏堵禦五年七  
月賊竄花果園沅洲副將佛甯候補參將富勒渾都  
司雙桂花尙阿守備大達色被賊襲營遇害六年九  
月官兵勦賊唐家坪擊斬偽先鋒王岡擒出佳聯兒偽  
總兵王冠軍七年八月總督吳熊光

鄖縣志

軍政卷七

邊防事蹟

六

奏委兵備道王正常總理二竹房保團練寨堡竹山委  
員縣丞張從鼎督同寨勇搜擒竄匪黃秉祿劉永福  
劉開相等解送制軍行轅正法

咸豐六年十月襄陽縣土匪高二先張瞎子招聚遊民  
倡亂竄擾均州蔓延鄖之南鄉各保潛謀渡漢大有  
圖鄖之志時粵匪猖獗皆在下游我鄖自嘉慶八年  
勦平台蓮教匪後迄今承平日久民不知兵猝聞賊



信一夕數驚知府恩祥知縣龍雲議立城防總局飭紳士徐清來王懃黃兆熊李上選王希杰崔誥楊文彩胡淑經等團練門丁辦理防城事宜並創造礮船五支飭監生龍應舉等管帶巡防江面署總鎮阿昌阿督內三營兵四百名禦賊於均州花栗樹與縣屬黃龍灘茅坪各保鄉勇會同堵剿未能得手營兵陣亡十名鄉勇陣亡七名勇目羅夢懷父子被擒不屈賊殺之當是時我師銳氣新挫賊勢方張從前飛書向陝撫譚廷襄告急援兵未至勢亦危矣正倉皇無

鄭縣志

軍政卷七

戰守事蹟

九

措間適有四川候選州判趙大松率勇丁二百東下投効鎮府立卽會同馳稟留鄭協同我師遏賊北竄賊見我堵禦益嚴聲威漸壯無隙可乘於十一月二十五日由關山河分竄房縣二竹時三邑皆飛書請兵鎮府而竹山尤告急至十二月初八日陝西延綏挂印總鎮龍澤厚協戎閻佩銘松齡統帶援兵二千入抵鄭城龍澤厚分兵一半防守郡城親帥其半剿賊於竹山七年正月閻佩銘松齡兩協戎拔營赴竹山會剿是月匪首高二先在保康被鹽道常恩暨松



潘鎮德恩等勦敗後復竄均州由遠河過河我縣鹽  
提舉銜四川試用通判拔貢生余澂廷生員蕭文基  
武生黃廷魁率領鄉勇與管帶川勇之趙大松會同  
安陽龍東細峪峪各保鄉團趙璞王道鎔李懋昭  
郭世輝李元瑞翟鳳華等追賊於均州之清塘大柏  
不及而還三月高二先另股由房縣大木廠至安陽  
灘逾堵河進鐵鎖溝竄陳家灣鮑家店邑增生戴恩  
率東西峰孤山兩保鄉勇防堵檀樹壩縣紳余澂廷  
統率筍廠保黃龍保黑虎保舒家保迴馬保王二保

鄖縣志

軍政卷七

戰守事蹟

三

練勇由大峽迎勦遇賊前鋒接仗生擒逆首李爲源  
斬之賊竄竹山四月張瞎子由歸州興山竄武安堰  
經將軍巴揚阿知府唐訓方疊次擊敗棄械投誠甫  
遣散旋有數百餘賊突竄均州孫家灣並游弈鄖縣  
房縣二竹山中肆行焚掠縣紳余澂廷生員蕭文基  
武生黃廷魁營弁王希德武生郭瓊林督帶勇練正  
在合力進攻而縣屬監生龍應舉亦移師黃龍灘跟  
蹤追勦賊勢窮蹙竄伏武當山金頂是時卽補道唐  
訓方總兵龍澤厚由小店子進攻縣紳余澂廷武生



郭瓊林由馬路墟進攻諸軍皆會四面兜剿於五月初五日聚而殲旃搜捕淨盡並無一賊漏網唐訓方作五日滅賊武當歌中有我提一旅蕩陰霾山神訝我天上來拍手相笑復相約五日滅賊十日回等句咸豐十一年三月河南捻匪江老太陷光化竄至浙川李官橋秋九月復由內鄉浙川擾至李官橋烽火延及均州玉皇頂距縣東鄉龍門塘僅數十里梅家鋪塘只一河之隔我鄉勇梅占魁王宗祿李廷芳等扼要朝山觀賊偵知有備復由浙川廳竄去先是河南

鄖縣志

軍政卷七

戰守事蹟

三

捻賊蝟集皆在陳汝光固間未嘗越南陽而西也鄖亦度外置之備豫不虞自是年始

同治元年二月偽扶逆同啓遵端三逆由內鄉西坪竄陝擾及渭南等縣扶逆入陝後復出孝義廳回竄山陽破而據之四月杪由漫川關闌入鄖西地面是時總兵何紹彩率領新訓四營防堵鄖陽五月初三日抵鄖初六日諜報賊已至鄖西城下初七日整隊往援初九日遇賊於蘆子溝前哨周都護躍馬而進道狹不及轉側賊據上風登時陣亡翼日由神福嶺分



兩翼趨下大戰良久互有殺傷而賊勢愈張乃收隊  
退守火車嶺火車嶺距鄖西二十里左右皆有間道  
十五日鄖西城卽爲賊破何紹彩以孤軍深入恐賊  
包抄後路絕我糧運進退維谷且我兵勇七晝夜不  
能交睫天氣溽暑士馬皆病十七日三鼓拔隊回鄖  
防堵郡城保升知府周有全都司田明山督駛礮船  
數十隻襄陽道金國琛率剛右選鋒前左等營先後  
到鄖賊已焚鄖西城由茨溝經西平唐鄧回竄陳汝  
矣七月僞扶逆回竄南陽圍攻八晝夜其時河南捻

鄖縣志

軍政卷七

戰守事蹟

三

賊江老太竄商南適荆州將軍多隆阿奉

旨督辦陝西軍務行次商南復奉

廷寄改辦豫楚髮捻正在痛勦江老太一股而圍南陽之

髮賊已上掠荆紫關游騎竟竄入我北鄉江峪楊溪  
刨峪溝等處焚殺多帥因江老太業已敗竄卽以擊  
江捻之軍乘勝擊髮髮賊偵知多帥折轉楚疆不敢  
盤踞豫楚上游乃下竄英霍此前八月閏八月兵事  
也十月初九日僞扶逆竄鄖先是初七日一聞賊信  
官紳集議防守卽發偵探初八日晚探報賊已突過



琵琶灘總鎮納欽知府艾浚美以北門地勢高且最衝要可以提調通城遂親駐城樓防守飭令知縣奎聯中營遊擊劉廷麟守備墨爾根額聞定清防東城維時迎武保紳耆何四象曹潤吳長發黃廷鍾王希顏劉行修李鵬齡戴廷材胡定豫何天龍陳百齡何承恩等管帶門丁統歸守東城奎聯主之飭令通判沈嵩高李玉墀城守遊擊佛爾國春防南城維時三桂新仁二保紳耆趙紹貴蕭之聲任定勳莫序之張履誠商忠勛張書振張義衡張上恩汪海若燕仔王

鄖縣志

軍政卷七

戰守事蹟

三

潔廉何近璧王德著瞿憲國沈國璽駱鍾泰瞿安國江光照馬有福饒慶元燕偁羅必森等管帶門丁統歸守南城沈嵩高李玉墀主之飭令訓導李繼彬典史戴蓮芳城守守備王希德守西城維時儒林保紳耆江匯川王仕僕何占鼇殷士膚崔元齡全錦文張兆益陳玉燦王祥熊李文玉俞昌平冷煥然等管帶門丁統歸守西城李繼彬戴蓮芳主之飭令經歷王夢齡訓導章起銓前營都司富亮守備高仰京守北城維時鼓樓北樓二保紳耆張肇泰江鴻川黃兆昌



江三杞程四箴毛大明白春茂張守孟皇甫達徐慶  
恩徐玉成朱維堃翁尚德張漢英何鴻恩陳經江名  
溶等管帶門丁統歸守北城王夢齡章起銓王之十  
家有牌十牌設卡卡各有堆慮奸細之竊發則飭教  
授張際春教諭劉觀昌嚴稽之兵不離營士不離伍  
慮勇丁之疎防則飭巡檢張煜張虞言密察之一百  
諭總局紳士徐清來崔誥胡淑經王德芳孟春華王  
希杰張儒林楊文彩卜年饒丙南徐兆瑞姚光燧郭  
瓊林等星夜備辦麻油食鹽火紙灰瓶子鎗刀藥

鄖縣志

軍政卷七

戰守事蹟

七

鉛等件初九日五鼓部署甫定賊已至天將昧爽馬  
賊數十人如飛而來直撲東門會礮斃一賊餘改道  
由石佛嘴銀洞溝或上武陽嶺或下觀音堂城上大  
礮轟擊悍然不顧轉瞬賊隊蜂擁如潮如海知府艾  
浚美以門丁膽勇不足恐見賊勢披猖或生退怯立  
飭知縣奎聯周巡城垣鼓舞士氣號於眾曰奎聯世  
受國恩此頸甘爲賊斷不願爲國法誅敢有謠言惑  
眾及倡逃者軍法從事眾見縣官激昂慷慨羣矢義  
奮莫不拔劍斫地作恨恨聲午間微雨半夜雨雪賊



營號火如數萬星光彌望無際令人髮指郡城自四月辦防城內各保捐輸實已筋疲力竭此次兵勇數千聽其枵腹必至僨事賴紳士白春茂江鴻川瞿憲國王德芳等首先倡義毀家紓難其餘亦相觀而起議定兵勇一人每日口食錢二百文遴派公正紳民黃士俊計庠許英華姚光杰專司關領按保支給初十日寅刻差崔連陞赴多將軍各營求救恐賊藏東西大小關廂傳令焚燒市房時大小東關暨小西關均被火有大西關管帶礮船龍應舉王席儒及紳士

鄖縣志

軍政卷七 戰守事蹟

三

舒仁和李蘭亭李含美王祐昌王用賓等奮起義勇另團壯丁二百名扼要防守燒房之議乃寢而南門沿河並設竹柵防賊闖入正督勇築柵而賊數十騎直犯西關已近南角樓城下賴龍應舉督礮船勇目張立本江峰青曾順德楊文陞連開巨礮轟斃數賊賊乃敗竄十一日飭令局紳崔誥添選民勇精銳三百人派勇目海東宣卜榮茂戴步雲劉輝廷羅敦倫徐人錯王臣忠曾全發李春宣陶應貴杜興富李全山李全海許安國羅登名崔仰山劉坤宋克喜邵君



方戴青雲黃澤沛彭均安鄧旺等分別帶管以備策  
應頃閤城士民稱關帝神靈顯應宜祭城上大礮  
時鎮府縣俱親詣敬謹醮奠是日誅窮人會渠魁數  
人以靖內變十二日夜傳信南鄉紳士王有壁何近  
仁率鄉團五千過河救援人心愈安十三日募勇下  
城燒千佛庵及梅子園草房數間恐賊乘間開地道  
也遇賊游騎數人勇目海東宣李全山彭均安趙恆  
興方秀金奮勇直前斬其首級而還是日候選訓導  
劉啓運督駛礮船上援次安陽口爲賊所遏十四日

鄖縣志

軍政卷七

戰守事蹟

三

鎮府縣以數夜城上燈光燦爛擊柝相聞飭是夜罩  
燈堞下不准擊柝靜以待之至五更通城連環開礮  
夾以小鎗如是者三周賊大恐慮城中出奇雕勦當  
夜卽有拔隊過河者十五日侵晨風沙大起濃煙密  
霧遙聞瀛州灘下雷震霆擊而楊溪蕭公保之賊執  
旗吶喊蜂擁上窺鎮府恐賊將攻城傳令堵擊俄見  
揚帆破浪勢如激箭數十隻礮船齊泊城下乃知豕  
突狼奔賊之狂竄畏礮勇摧陷也閤城官民恃此以  
不恐矣是日三門渡口賊取民間油篋裝以砂石砌



作礮臺欲架大礮轟城時礮船泊岸正傳餐間忽哨  
宮戴金彪蹶然起曰我輩將此礮臺折訖然後會食  
也立即開礮而進舍舟登陸連砍數賊毀其臺而還  
旋聞遊擊銜儘先都司郭占元爲賊所擒仗義不屈  
賊殺之十六日周有全督駛礮船折賊浮橋而南北  
兩岸賊出黃紅黑白旗四隊應之加以大礮轟擊矢  
石如雨不得不轉棹而退當夜五更爛船木板漂泛  
河中知賊盡過河焚燒浮橋十七日官兵出城掃蕩  
餘孽行至馬昌關適鄭西知縣林瑞枝帶領西邑並  
縣屬泥河孤山東西峰等保鄉勇正在遼瓦走馬等  
保與賊接仗是日水陸救援兵勇畢至賊悉遠竄郡  
城解嚴

二年正月杪卽補道梁作楫率凱軍五營由二竹來  
鄭越日襄陽道歐陽正墉率四營踵至因元年十月  
賊分三路竄房縣二竹前隊已抵興安後股尙盤踞  
二竹

兩院憲廬念邊疆檄令兩道督兵上勦會二竹賊竄  
興安故需次於此未幾歐陽道撤兵回襄梁道仍移

鄭縣志

軍政卷七

戰守事蹟

三



師二竹六月杪總鎮蔣運喜率義勝三營道出鄖陽  
上防興安七月藍二順由孝義竄山陽圖犯鄖西知  
縣林瑞枝署守備譚子達率領鄉團分防湖北口漫  
川關等處出奇設伏賊不得騁九月候補京堂李雲  
麟奉

旨

辦理陝南軍務是月至鄖由鄖西上勦藍賊當是時藍  
逆已破山陽李雲麟圍攻之克復縣城賊由大竹固  
踰伏商南山中李雲麟率帥趨興安上禦髮賊十一  
月藍逆突竄陝屬之趙家川擾及縣屬之大柳樹藍

鄖縣志

軍政卷七

戰守事蹟

三

家坪楊家村等處我大堰桃花趙河藍家瓜子莫鏘  
先生蝴蝶清水曲遠柿子斧山黃畝圩坪各保鄉勇  
江作霖周楚升吳華國汪道南曾三俊楊登鵬黃成  
璧張良魁丁遠麟王光潤黃德全項國璋陳洪猷任  
宗舉譚詩魁康坤康壽祥張道南申安邦申中寅李  
化龍沈秀川李世璠周清時曾育德張法俊等分扼  
要害未能進勦賴候補道梁作楫率師進攻大戰卜  
家溝焚賊壘數坐兼得荆紫關協鎮孫之友督南化  
浙川十數保鄉勇趙崑卿柳際春呂樹棠鄧貴良楊



邦碩張金城劉鳳祥趙邦俊王福周萬林王大從孫  
篤文黃正南史維善堵截稍挫凶鋒賊從趙家川繞  
鄖西北鄉陷上津堡是月候補道唐協和率新訓正  
中二營至鄖十二月梁唐二軍連營上勦時大雪泥  
湓山路崎嶇我師未克馳入迺招降賊黨三百餘人  
分途遣散

三年正月梁唐二軍暨鄖西知縣林瑞枝克復上津  
堡藍二順折竄雙河口蘊木牌竹筏欲渡漢擾白河  
二竹都司周有全督率礮船晝夜嚴巡並結隊陸戰

鄖縣志

軍政卷七

戰守事蹟

完

出奇兵擊卻之二月賊復由雙河口下竄夾河關大  
黃溝泥河源勢甚鴟張是時藍逆擾鄖西豫捻屯鄖  
浙髮賊又有下竄之報鄖城四面皆賊勢同壘卵三  
月僞扶逆率賊東下南化甘津江峪楊溪鄖東北諸  
保均受害扶逆旋竄河南被僧邸擊散遂下擾蘄黃  
啓逆由梅家鋪竄南化據之因候補道梁作楫都司  
周有全會兵鄖西正與藍逆水陸相持未克回援總  
兵安貴親督遊擊翟萬林都司墨爾根額並白桑圩  
坪等保鄉團扼要雷峰埡核桃埡會經總兵張耀副



都統善慶跟蹤追勦賊竄鄖西維時候補道梁作楫  
於擊退藍逆後已返旆郡城聞啓逆竄入鄖西警報  
至兼程往援甫交綏陝西李巡檢率湘果四營至乘  
勢夾擊竟收奇功後啓逆與藍二順合股五月中旬  
由鎮安五郎孝義藍田等處而去越明年在階州爲  
川陝大兵撲滅十月僞遵逆及張總愚竄南陽圍僧  
鄖於鄖州大兵痛勦始竄山左

四年六月杪髮逆分股回竄南陽所屬之唐鄖內浙  
諸州縣四閱月蹂躪殆遍總兵楊朝林親率五營兵

鄖縣志

軍政卷七

戰守事蹟

三

勇巡邏郊圻賊不敢犯



教場

演武廳在東關外順治戊戌總鎮穆生輝建雍正二年  
淹塌乾隆十年副將高瀚重建道光十二年漢水溢  
廳俱圯二十八年陳子飭諭士民捐建

軍裝器械

步弓一百二十六張

戰箭三千七百一十枝

弓插一百七十二副

撒袋頭七十六個

鐵飾件腰刀一百五十二把

烏鎗二百七十九桿

長矛一十五桿

鄭縣志

軍政卷七

教場

三

籐牌二十一面

牌刀二十七口

海螺五個

大刀四口

菊花頂號帽四十四頂

青衣四十四套

虎文衣帽十一套

劈山礮一位

擡礮一尊

擡鎗七桿

噴筒十桿

帳房五架

鑼鍋八口

鉄鋤五把

鉄鋤六把

鉄鎌刀五把

鉄斧六百八十六把

大纛旗四面



什長旗四十五面

督陣紅旗七面

先鋒旗六面

行營礮三位 礮車三輛

一位重一百九十二斤

一位重一百九十斤

一位重一百九十斤

頭號鉄子二十九斤

二號鉄子二十五斤

三號鉄子二十二斤

四號鉄子一十八斤

藍布花鉄盔甲十六頂身

青布有袖裙鉄盔甲二十頂身

青布無袖裙鉄盔甲十九頂身

把箭四千枝

鄭縣志

軍政卷七 軍裝

三

營房

明都司傅崑因兵民雜處易起爭競創營房六十間供棲止今無考

國朝十一所

一在北樓保衛門口

一在儒林保中卡

一在東關保

一在西關保

一在宣和門月城內

一在時雨門內

一在平理門內

一在小西門內

一在迎薰門月城內

一在小南門內



一在拱宸門內

